



07381

曉升甌臺玩月

披衣入甌臺坐玩萬籟寂淡月尙
中天疊障繁瀝瀝興來呼
虹橋飛度蓬壺壁咲訊蘓門翁巨靈何年劈

巾石學愚約四方同志聚聞講書院

信州古名勝聞講揭新扁耆俊鼓先登朋來興不淺赫矣良
知訓上帝及游行夙夜不自慎萬卷空雄辯真聞非耳入實
講在躬踐千古弘毅譜淵冰始知免

五言絕句

題海鷗圖

東廓鄒先生文集

卷之十一

二十九

暗室卽清廟鬼神不可欺機心誰謂密鷗鳥已先知

忘言巖遇雨

披草坐巖石巖石互離立客至始知歸忽見巖草濕

潮頭巖

巨靈翻滄溟湧此潮頭雪醉卧蓮葉舟長風棹明月

次孔橋于淑冬夜韻二首

窮冬已如客青山長作主時有歸岫雲帶得灑窻雨
擁爐話清夜不知窻外凍向非陽明鐸誰破千年夢

次彭子紹人生會合不可常韻七首

春光正中人坐闌千林新曉起恣行樂收我肺肝春
山林興方永城市跡已生感君臭味同杯酒話春晴
雅志自相傾醪醪不知醉舜蹠分毫釐妙語各心會
屈指十年間幾見德星合夜來別夢長明月上我榻
有目分妍媸有鼻分腥馥異道難相謀此意君解不
適適君咏君嗒然我忘我寄聲聞惠連何以叅其可
利欲劇醜毒仁義飫膏梁嘉會不可必檢身自有常

望潮怨二首

小窓放金剪時望潮頭來潮水自朝暮郎君尙未回

東廓鄒先生文集

卷之十一

三十

凝望夕露冷緜鍼寄遠衣莫恨郎情薄潮頭秋亦希
題扇二首

青山夾茅茨竹徑含烟霧時買泛月舟江上自來去
掩卷步竹徑鼓枻寒江水一闕明月章沙鷗亂驚起

廣德題屏風畫

瀑布連雲白喬松隔午陰解琴時一撫天地自知音

再次碧山叅字三首

道骨鍊方壯禪機悟可叅請看西園叟瓜熟自然甘
想像終成暗真純不可叅葛藤須斬斷莫遣霽寒潭

天地皆吾體中和自可參欲求文繡美及早看春蠶
次蔡我齋韻呈涇野二首

美人萃考少森然如玉樹方忻西河來復驚東川去
把臂江陵路折梅泛酒卮十觴須盡醉幾歲鎮相思
用我齋韻自厲二首

半生鍊凡骨掛冠三花樹火候正未調日月堂堂去
高位標華燭豐財浸漏卮年來驚世夢千載寄幽思
病起至茅亭

一卧七十日扶病小亭陰笑看風景別新笋欲成林

東廓鄒先生文集

卷之十一

三十一

松山二首

白紵歌初倦黃梁夢漸醒山椒繫小艇新課種松經
老柳凋秋色弱松耐歲寒是中真脆味莫作等閑看

題孝豐南壇書屋二首

斗室有餘寬豈必大厦好活水卽滄江三峰亦蓬島
天機本濔濔聞道苦不早勉哉安仁宅夙夜勤灑掃

宿樟源嶺二首

弭棹劔江湄振衣樟源嶺積雨滯烟霧誰是青田境
婚嫁古所重踏雪入臨汝從茲約子平五嶽相料理

酬黃生朝周書院四首

陶仙骨已冷殘菊香還多物態無今古人情定若何
庭蕉春盎綠霜冷液歸根觀化年來孰榮枯別有言
寒壓羣芳寂蹶然梅茁花當門避雪夜可是大方家
皜臨原由我芬芬更怨誰一毛分妬復師訓幾能知
復古歲寒聚講勉同游五首

急霰鳴簷瓦擁爐猶授受不知立雪圖此意還同否
曝背時趨屨就陰且循廊莫道山翁拙亦有燮理方
盡餅不療饑談梅僅生津何如東臯叟鼓腹娛天真

東廓鄒先生文集

卷之十一

三十二

陽燧解取火空谷爭應響叅破有無妙乾坤運諸掌
地脉回眞陽紅紫自爛熳却訝尋春客空識春風面

景德鎮乘月步聯桂示諸生

萬冶赤光迸千艘白霧浮翩然聯桂步疑是月宮遊

茅亭小景十四首

方眞準乾坤八窻更玲瓏結茅居者誰云是陽明公

砌竹

龍籜旣駘茁鳳毛方怒長生意不可迴復穿層砌上

墻葵

叢葵稟中和紅白粲然列色相雖異觀中心自如結

古椿

古樹如張蓋亭亭當清晝未問燕山榮且共添園壽

新梧

高岡有竒種移植小亭隈珠實風霜老鳳凰或一來

長桑

徙倚長桑下帶月猶未歸而今恩波濶不惜露沾衣

溝柳

濃柳自成行搖曳御溝水孤琴始解囊薰風已滿耳

東廓鄒先生文集

卷之十一

三十三

園蔬

料理烟霞癖無復骨梁夢低語慰畦丁未了三百甕

紅梅

溼野癖愛梅紅梅更自竒嚴霜百草萎漏洩乾坤機

黃楊

谿石去所貽灌溉方盈尺從茲日日新閏年未可厄

薔薇

小架薔薇露獨挽東皇駕花上又生花走報兒童訝

兒子報花
夢上生甚
視之果然

雙栢

小栢誰縛汝呼童爲解之曉來清露裏對舞樂天機

小沼

風行見至支片出澄眞性莫闕源頭水蛙黽將得令

長溝

分得銀河派清光入夏寒東書無外事散髮弄潺湲

石厓林中丞讀書臺二首

築臺千仞厓山海擁几席始知圖書前原有先天易
攜書坐厓石讀罷還長嘯悠悠羲皇心千載乃同調

題崔質夫忠義家訓卷二首

東廓鄒先生文集

卷之十一

三十四

報國天機動臨危氣似虹千年誅齒節合策倚門功
皇恩漫累葉慈訓耿層旻忠孝千鈞任餘生莫愛身

寄題三吾逸士三首

閒拄祁山竹踏破涪溪練浩歌次山碑千載如見面
沿溪陟岵臺長嘯雲千仞世態總浮雲變化自一瞬
掬水洗石鏡鏡水照毛髮聳卧唐亭陰洗心待明月

五塢山房爲盧師陳作三首

我愛五塢花擁几時馥馥文章如名花亦足供我目
我愛五塢雲繞屋時簇簇勛業如奇雲卷舒無定局

我愛五塢月入懷時煜煜明德如月色一塵不可伏

五言律詩

迂王質夫審錄

懷中三歲字猶是故人書忽聞將漢節兼得御潘輿化日浮
圖豨清風勒綵旟呼童謀斗酒欲訪子雲居

黃地曹汝英飲洞淵閣

飛閣凌空外層城人望中凭欄窮勝賞授几醉薰風野曠低
羣岫江清明斷虹他年雙屐約還許上壺公

遊圖平菴

東廓鄒先生文集

卷之十一

三十五

邱園休蹇步十得菊花看茲游方勝絕舊宴漫瞻阮拊檻雲
生長綠崖瀑濺冠仙翁還有約莫說路行難

凝雲山晚眺

飛步雲霄上不知在幾層仙公呼可出天闕語相膺遠瀑傳
玄倡疎星散佛燈俯憐盆益小羣羽自薨薨

遊天臺用圖平菴韻

見說天臺好星辰掌上看一溪中斷處石磴碧嶺阮興劇初
穿屐風高欲落冠悠然忘日暮嘉會古猶難

課僮治隙地避暑二首

選地消長夏屏居寡世營花香薰酒氣魚影避某聲窻白留
雲宿庭虛看月生無因下藜杖細與話幾衡

又

夜卧花間露遽遽百慮輕踈簾延月色爽嶺動天聲往跡眞
成夢壯懷時自驚因風戀玉宇萬里不勝情

宿廣德公館

齊沐臨新任虛堂獨掩門深漸踈吏事何以報

君恩歎歲民情苦殘編古道存擁懷終夕坐明月上前軒

酬馬谿田春初對雪二首

東廓鄒先生文集

卷之十一

三十六

積雪兼朝暮春衫滯出游遠應憐玉塞高更念瓊樓風速霓
裳舞光凝碧海流探梅將有贈踈蓋勒枝頭

白玉瀾天宇東皇信有神一塵無慮着萬象自清新隨步穿
芒履閒吟岸素巾莫疑凡耳冷高調正相親

一柱坪聞涵孫提報志喜

一柱凌雲秀茆菴聽雨眠孫支聞挺萬世澤喜嬋媽野老談
天道良朋稽妙詮山靈還有約奕葉共乾乾

中秋同緒山兄彭崑佩玩月

曠歲懷分席良宵對舉觴帝衷昭宇宙師訓儼羨播盤谷留

禪榻氷輪出上方鏗然清詠發莫是舞雩在

三溪憲伯報善兒居官喜而致勉

喜爾當官報瞿然慕祖風五疵消怨府三德肅天工
友玉方琢先師碑正穹世交祈寡過爲謝淡泉翁

贈平川郡侯乃尊中山封君

金陵傳易學青瑣煥龍章獨抱中山月閒傾北海觴
佳兒祝壽域玄省授丹方善慶千年緒新詩讖草堂

別義兒上南宮兼寄美善二兒

六錢南宮旌勲各屬老成爾祖詩常誦望仙凌亦清羨墻培

東廓鄒先生文集

卷之十一

三十七

世德游衍顧天明爲祝金臺弟燕山在汗青

次白沙先生雲津韻呈晴川年兄

七日雲津會千年樂可尋津流終到海雲岫澹何心共温禹
穴業直振鳳巢音悟來三字訣莫斬項門針

義兒上南宮涵孫繼行書勵

汝伯已北上汝行復繼之虎闌相炳蔚鴈塔應淋漓先烈垂
繩隼鄉評凜蔡著世臣思報國喫着不須期

夜泊青陽與九峰鴻臚及少尹化之話舊

良朋懷夙誼秉燭聚江干嵐氣侵巾舄波光照肺肝離合何

須慨行藏祇自看千年川上秘慎獨是金丹

齋居夜懷

齋署清無寐半牕新月臨披衣占夜氣隱几洗塵心雲歛三
階淨庭虛萬籟沉獨憐多痼疾輾轉發鄉吟

酬卓峰王子

擬覘歌猶壯崇禧履共游翫懷長孺暮浪跡尚平秋琳月瑩
無翳壇松翠欲流自憐禹穴夢杖屨幾將休

過豐城輓蘓山其上舍

劔水舟仍艤蘓山事已非沼梅寒自發庭月靜流輝投轄爨

東廓鄒先生文集

卷之十一

三十八

嘉客開倉閔歲饑悠悠京洛侶空自羨輕肥

燕尾舟沂灘

遠遊真疾癖信步是吾家已泛康郎月還殮白嶽霞輕舟飛
燕尾灘石吼鯨牙遙憶蘭亭侶長吟待九華

漁亭乘簞入齊雲

三日雨清路凌晨風送晴山靈酬雅志變態亦多情峭壁疑
侵漢乘桴若泛瀛飄然五嶽興漸可快生平

遊山次三峰柱史勉同遊顯甫匡甫國輔國矩

蘭友重臨日蓮臺儼素秋三才原有寄百歲若爲謀韶華催

蟋蟀生意領扶留珍重先師脉澄川晝夜流

同三峰劉柱史卜連山書屋適南康使至

連山方卜築白鹿兆先幾谷口鳴騶入巖頭采藥歸溪環玄
武轉雲獲紫芝肥早晚樓君壯義圖玩夕輝

澈源族中迎涵孫志勉

卯橋欣就緒直向午街行叢桂香先發修槐蔭更清絮羨懲
俗械歆噐鑿天明記取邱生約朱絃續正聲

贈鄂仲昇歸可休軒詩

勞勞蕉鹿夢中歲息危機綉紉齊穉晉繩牀坐子微塵緣雲

東廓鄒先生文集

卷之十一

三十九

出岫真諦月盈扉寄謝風波客滄洲遲爾歸

送熊郡侯三載考績

祖帳金川路君侯報政崑岡回野燒黍谷肆春耕江月低
熊軼山雲擁隼旌遙知吏紀端不負遺經

秋日約于德芳不至

初服依蘿薜翛然汗漫呼童張勝夕授几對清秋誦盡林
風續盃深山月留蘓仙不可見悵望木蘭丹

和李空同見贈

浩浩春風雨故應伴使早坐看桃李色半是艷陽餘政簡堪

留客神閑刺註書清樽發古調病眼欲雙舒

晉壇湖山九亭諸君自連山升一柱坪茅菴

抱雨連山靜躡雲一柱高撫時修禊事洗琰酌蘅臯途慣行
歌緩神閒著脚牢誰能春夢破開眼覓塵勞

五言古風

贈敖子子發用陶韻

束髮懷耿介高談望唐虞古人不可見見之詩與書場來被
優恩飛蓋入留都常懷草木變坐令歲月踰所賴傾蓋交周
道駕征輿逝言策欸段夙夜思與俱關河忽睽隔執手步踟
躕豈伊懷燕昵意氣交廓如嘗暴西銘翁聖道闢榛蕪充其
純王業萬國咸康娛秦川多豪傑臯比跡未踈行矣下車令
變化在卷舒

贈彭子道顯用陶韻

伐木久不作懷古亦何動千里聞直諒聲氣自相親矧此金
石交復在桑梓隣南宮多幽暇淬礪及良辰焉知光祿命遂
作參商分嚶嚶鳴谷鳥慨然感芳春手折石城柳目送金臺
雲中宵勞夢思欲語邈無因志士多遠憂豈在賤與貧千秋
定衮鉞董狐閒咲人

贈範東劉子之蜀

湜湜洪範泉嘉名自河洛亦有東流水幽居帶林薄沐浴二
泉間風詠有餘樂肝膽照清泚羲禹若可作志將掬中冷攬
響洗塵癩春雨方江南朔風復劔閣王事無夷險刑教同
橐籥去矣挽銀河萬里洗寥廓

靜修

盆水貯幽几湛然光明鏡須臾或撓之眩瞽如泥濘所以好
修士務以靜自勝振衣邱壑中一洗朝市病我傳千金方無
動亦無靜廓然大公心萬變皆順應寒暑互推遷化機自凝

東廓鄉先生文集

卷之十一

四十一

定至哉大極翁無欲可希聖

仗義完城卷

蹈海耻帝秦昔聞魯連子矧此封疆臣一步安可徙援桴冒
矢石肝膽自相許忠貞會有神奸叟誰無死嘯嘯皖山石皓
皓長江水琢石枕江流千仞立人紀

崇福謝王梧桐枉訪兼簡莫立齋

抱疾厭塵鞅出宿招提居日晏恒高卧夢寐追華胥興來集
諸生指摘千載書淵然會源泉不肯問潢汙以茲嗜好左日
與世相殊焉知羅雀巷闐闐枉高車清籟發天和佳釀出賓

厨薰風酌且詠童冠皆懽愉獨憐耕粢何以告于旃願祝一
道德鼓腹樂 唐虞

飲梅洞謝諸君

束髮愛幽勝渴腸思柘漿卧病日廢閣夢想未能嘗多謝諸
君子張筵待高岡奇石堆蒼壑曲洞轉綺房四壁圖虫象一
竅浮天光蕭然葛衣冷五月挾飛霜自非推挽力習懶何由
償宇宙有大觀遠遊從此將願言精瓊廡決策發扶桑

吊譚節婦

饒江極竈蛟東海枯榛菅幽明本一氣呼吸相循環卓哉節

東廓鄒先生文集

卷之十一

四十二

婦節爲世立大閑至誠貫金石金石不敢頑天貌貞烈圖巍
然對孔顏劫火豈能燬萬古血猶殷我來吊遺蹟髮竦淚欲
潛瓣香拜幽祠慷慨環珮珊珊丁寧祝羣彥早透生死關泰山
與鴻毛一笑毫釐間

昊天觀勞諸君饋食示諸生

千駟與首陽聖門垂象魏法好世莫傳顧以貧爲諱請看惜
陰約盤飧無兼味元精漸收斂浩歌多爽氣及茲淵默堂日
勞酒食費豈不餒臙且居然困腸胃信哉一簞樂不齒萬錢
貴持此喚羣醒羣醒少瘳未

南樓話別謝半溪徐侯及同游諸彥時見義美侍行

南城對屏山下瞰禾川流登城騁四望山川鬱綢繆徐侯六合胸坐我百尺樓靈雨及游衍盛夏成清秋是時羣彥集聲氣正相求詩書敦卻毅風義重大邱各持百年身共追千古謀粲然饑飽喻毀譽皆浮漚皇皇洙泗路蕪穢久不由豈意絃歌化彷彿見子游呼兒歌新詩日晏任去留嘉會永無忘勵志希前修

九日同諸生登北樓

古人崇陽德逢陽立嘉名流傳入神恠徃徃失其真振衣升

東廓鄒先生文集

卷之十一

四十三

高岡採菊餐落英卽此散幽滯庶用陶元精茲晨風日爽况復良朋并呼兒具尊酒扶疾登層城樓頭俯通闔列達凌重薨紛紛競醉飽反爾笑獨醒比華領羣岫瀘水日夕征曠然各有樂頗悟仁智情珍重保剛大勿使塵穢櫻秋陽正皜皜昊天垂儀刑

中秋羣弟會飲

山房昔待月高歌叢栢前冰壺興依依轉盼十五年今夕復何夕羣弟列長筵天籟自和鳴更深不能眠俯映方池柳仰睇東嶺烟烟雲初交綴輾轉隨風旋須臾後西南猶覺渣滓

偏終焉掃穢翳中天懸嬋娟乃知學問力所貴切磋堅外誘
無根着本體自皎然丁寧滋蘭畹更以祝鴿原各勉繼述志
千載光遺編

孔家驛別臨川樂安東鄉金谿諸友

興魯存遺坊孔家復各驛不知何年來巍然照聖則徙倚文
昌橋瞻泝情何極矧此相追送冠蓋紛翼翼請觀驛前水滔
滔無旦夕水性循洙泗吾性將奚惑執手贈與處餘齒各自
力幾微分禹繇丕功收碣石

寄勉龍光書院會講諸友二首

東廓鄒先生文集

卷之十一

四十四

干將兩古劒石函闕幾年精光不可掩猶自動星躔況此剛
大氣亘古本浩然驕吝一局之智并聚蛙蝸不有乾乾功龍
德何由全淬劒亦有術學聖豈無傳

陶唐頌光被成周載丕顯聖神亦人爲帝畏豈不腆於昭在
左右曰旦及游衍妙哉天人幾末學誰與闡不聞百練鋒蛟
犀可立割矢言惜至寶無然淪苔蘚

讀遺忠傳爲陳豹谷大綸賦

豢豎多鴟張顛沛顧魚爛誰知羅旁節乃出德慶判渠賊賊
墓門佳兒翔霄漢天道果不爽請誦遺忠傳

歲宴用韻

元日又將臨展卷籌今古大鵬雲幾萬鼯鼠技止五工拙紛
難詰篝燈無異語不如兩賓之直超文字吾歛神對屋漏天
粹發泰宇乃知行藏訣屢空始見許一咲領春光千聖無二
矩

金山與宋行甫劉用夏諸生夜話

朝辭玉皇閣夕泊海嶽樓羣英列長榻浩歌對清秋百年不
自力逝矣迅浮漚何如萬仞壁截然屹中流顏瓢樂陋蒼伊
戈升陟邱試問與此山高下相鈞不濯塵泥中冷披髮睜巖

東廓鄒先生文集

卷之十一

四十五

頭卽此皆師友無然空離憂

同少初徐子南岡鄒子及諸生謁忠公墓下

夙慕道鄉風始拜林庄徑松揪四百年烟雲護餘勁仰挹德
容温頰薦溪蘋靜翩然英爽下陟降若相命紛紛章與蔡寧
無忠孝性患失一眩之居然化梟獍誰云毀譽淆百年論乃
定舜蹠有真機一念分殃慶夜深開清樽四座發秋詠殷勤
別同袍早辨韶與鄭

登勝果尋先師遺跡遂謁天真

哲人不可作景行存遺規封壤日以邇夢寐時見之傳聞中

降勝烟雲護故帷老僧勤指點宇宙同襟玆晚躋文明闕伏
謁天真祠遺像儼於昭感慨竟難爲旅進青宮班抗顏六館
師瀆落兩無成空爾望軒羲泮壁可彈冠龜疇足充饑零雨
洗塵鞅皓日揚天機服膺無言教驅車敢自迷寄謝連床友
歲晏期同歸

次蓮坪聚石屋韻時念菴先至

桐江匹馬來報入天犀石七日卧雲亭雲遊無定迹壯哉惠
州駕遠趨風雨隙花谷談道妙促席不盈尺俯仰菱池綠仰
摩了巖碧一咲石屋翁嘉會果何夕緇塵須淨洗鬢景行已

東廓鄒先生文集

卷之十一

四十六

白擾擾賈客舟誰覓真仙宅

次蓮坪東陽行窩韻

行窩構東陽魚鳥分一席巖洞儼神工竒景自開闢雨過龍
潭清月出尼山白向非玩易翁卜隣將安擇羣公千載心聚
樂求自得億中猶外馳如愚乃正脉區區升沉蹤時序逼寒
熱征駕幸頻來秋深大字潔

奉懷雲東龍司馬二首

我構聚樂館君卜合江亭吳粵異境土鳶魚共流形滯井通
地脉柳山挿雲屏異人時閒出仙客亦獨醒新詩寄行窩同

志正盈庭朗詠石洞上清高韻冷冷吾道空中日世態窻間
營試探積費功無替集仙盟

隣火解避亭亭芝復呈瑞人事暫錯迂天工寧無意傳聞漱
玉灑龍杖仙所賜千年龍一來盡掃蟲象魅功定歸帝闕霖
雨發玄秘遺亭寄清湘留作蟠龍記

雙江念菴二兄聚行窩簡諸同游四首

山童報佳客衝雨欵洞門褰裳往從之夕照粲以焯巖石濯
塵容時有閒雲屯探閻窺石髓摩沙丹竈痕晚節期自壽玄
境幸猶温趺坐天犀噉何如白水壺

東廓鄒先生文集

卷之十一

四十七

白水闢新壘桐江理舊釣抱膝對洞門居然成三咲石翁山
中約手攬殿最妙共閉錢鏗闕莫撓華胥調良友提壺至班
荆酌石竅夜深呼海月直入東陽照

東陽月堪弄武功雲可吸莫辭薜荔勞猶勝簪組繫戎馬聞
交馳朝儀尙未緝何如卧山中滴露研雲笈醅來陶亦與茅
君澆墨汁一咲瀘江橫尼山雲外立

尼山鬱蒼蒼瞻止欣佳名和風噓萬象春服儼初成歸舟何
大遽不盡鼓瑟聲連袂送江臯水漲片帆輕入洞撥餘火芋
栗糝尊羨秋晴天宇肅更望玉鼻驛

復古書院春會喜阮鮑二邑博雨中先至

憶昔松谿侯肇建文明堂光陰忽九載望古猶望洋春風招
同志切惚復古方安知彌旬雨浮淖滑康莊壯哉二邑博瘦
馬^擘驥至樂尋孔顏盛治談虞唐古今雖異代明德自皇皇
君看淫雨息便露霽日光園桃花正吐簷栢色逾蒼千年浴
沂蹟此志共無忘

遊武功上西石屋山

西行訪葛仙小試登山屨石屋倚南山披徑入雲幕欣然快
所覽萬井森連絡東陽聳城垣四峰相酬酢置我松篁間行

東廓鄉先生文集

卷之十一

四十八

窩^考可縛俯瞰浮雲淨涼颺掃寥廓更携化龍杖去覓吹笙
鶴

登箕峯

重覓歇脚亭更歌會仙石移樽酌平臺萬象擁几席腕虹獻
竒觀五采忽充斥舊游念星散新知亦雲蒸一瓢與千駟玄
竅倚心燈誰超步兵蝨共運南華鵬

同李莘夫劉華甫彭時超時志李祖顏祖程祖臯及

善步自圖平窮龍潭之勝四首

夢寤龍潭勝勇往期一登穩結石屋襪並往衡嶽藤蘿木

攀緣鳥道入凌兢興來輕崖石躋滑若飛騰
嶮盡豁奇觀生平目未曾安得龍眠筆爲貌登仙朋

山不陟險阻詎能窮層巔水不涉險阻詎能窺重淵
卓矣履水翁弘毅發眞詮想像雖屢中靈襟終眊然
掬泉冽磐石浩歌不知旋寄語後來者自得非言傳

懸瀑出雲表玉函劈靈斧奔注自千秋中涵若焦釜
四壁儼鑄削恢詭不可譜神龍蟠其幽託跡眞得所
年來苦旱魃赤子泣蓬堵尙當三日霖生意遍寰宇

莘野有天民出救溝中瘠功成辭寵利兩鳥風策策
潛躍須

東廓鄒先生文集

卷之十一

四十九

合時乾德無定格旱來濟羣饑雨過歛玄迹良朋締
新盟莫負床頭易小築觀龍亭婆婆忘歸石

簡郡中諸公議賑糶

雨沉麥穗枯寒迫稻秧殞哀哉旱疫氓罹此四重窘
紛然拾地茹更堪茹蚯蚓載籍所未傳坐視將安忍
冒雨扣畫戟陸溝斬一引甚感蒿屋照許發大倉困
崇臺若萬里聞言或以哂誰無惻隱心矧在邦國準
古來瓦解喻正忽邱民閔鄙志竟難酬門戶謝不敏

宿朝中洲乾乾所

昔在桐川日風雪尚眞詮安知二十載復得對床眠手捫羲
皇憲午夜共乾乾先師垂陶冶晚節忍自捐屈指意中人宰
木啼杜鵑存者或以渝染指羊鼎羶丈夫志萬古寵利若浮
烟明發梅陂約力挽上瀨船

贈別槐川魏柱史四首

巴粟下江南使節矯河內由來一體學彷彿存漢代誰知肥
肉庖不信溝壑態桓桓柱史公回天降大賚坐令閭閻風萬
里掃暖躡安得古押曹再舞來蘓隊

禹篋懸教鐸抑戒聽輿誦古人天聰明歆然不自用後來訛

東廓鄒先生文集

卷之十一

五十

訛聲爭勝如爭訟君侯麟經筆文采過屈宋欣欣納狂言百
川曾無壅持此沃 聖心快觀河清頌

蕙風轉解池霜砌試廬阜平生萬里行六轡儼在手積壤碎
難刷三窟相蝓糾未知澄清誓中夜快心不征駕旋玉京攀
轅走倪叟畫圖入明光遺澤流南斗

朝披祝融雲夕弄武功月眞訣欣若遇萬事不掛髮獨有同
室念纓冠尙未歇劬勞與宣驕多口紛出沒遙謝執法星巨
古中天揭槐水遠滹河家聲在遺笏

苦旱二首

旱勢日以熾溪鷗無處浴矧此粒食氓何由充枵腹安州乞
新米南溪買餘穀吾亦呼吾僮東西走僕僕男兒志調燮水
火同菽粟長嘯依修梧延首蒼龍角

夏旱苦不支秋旱胡相及村氓携其孥相對壠頭泣夜來曉
微雨聊沾豆粟濕或可救須臾庶緩溝壑入途中聞口碑德
星吳楚集何當挽銀河涸鮒正戢戢

題東林寺

嘗觀三咲圖茲踐三咲境峰壑爭奇勝宛然類箕穎逸民風
已湮塵網幾能醒饌口厭尊羨捷手攫芋鬲我袖龍潭雲來
東廓鄒先生文集 卷之十一 五十一

照虎溪影長咲入蓮華幽意付誰領

暮雨宿田家

乘涼龍津渡行行五顯岡急雨投農家暝色甚倉皇主人驚
客至相問來何方蒼云訪匡仙采藥盈一囊歸去鍊金鼎歲
晏茹立霜藜藿即羹餐茅茨亦高堂一覺伸脚睡起睨東方
明

萬安聚講別同游

周覽五雲城談笑先天閣濂溪去雖遠精英若可作男兒立
宇宙期在無愧忤戒懼一以離坐受各利縛懷哉良知翁揭

示回生藥賴茲烏頭力復沾明從樂暖日
照離筵浮雲斂寥廓輕舟放中流羣峰列
丹艷佳境復虛擲斂鐵不鑄錯淨洗
桑濮塵清廟觀象勺

泰和諸君再聚古城寺夜至花石潭話別

朗月印寒潭潭淨真如練纖雲不作祟
坐對大空面掀蓬談廓清俯仰得無戀
浩嘆竟何裨此志期勿變嗜慾卽天機
反掌不容線三年向聚首流光迅掣電
各從亡羊補無爲臨淵羨

贈曰進廖邑侯歸筠西書屋四解

東廓鄒先生文集

卷之十一

五十二

唧鱸延慶山飛鳥文明堂恍然邯鄲夢
兩鬢各已霜其一霜鬢不可鬢丹心不可涅連床揭慎獨便是玄闕訣其二世態
簞角蝶反啣霧中豹雲破露月華丈夫幾大覺其三筠西書滿架風詠皆勝游天機無晝夜坐對錦水流其四

石屋翁約登高嶽州泰和諸生侍將

陽淑若升山陰慙乃墜谷乾坤鈞是人
粲然仙與俗其一石翁策先登羣彥紛引領逍遙二洞間爭跨三島景其二采菊浸酒卮微醺發浩歌百年幾良邁佳境莫虛過其三請看聖學篇不異長房譜神龍矯雲衢餌飼困塵宮其四

次陳春官邦僇韻三首

尋樂洋久望汲古綆何深九年卧石洞始辨梟鷲音岷哉大
極翁妙契無古今月巖連清湘芳源可共斟悠然詠歸亭尙
在柳山岑何時訪行窩酣歌東陽林

傳聞漱玉巖豁落若廣廈翠碧擁蓮華幽人不相舍嘉客來
雲東共游曠垠野潛躍自有時誰識塞翁馬一咲宣成夢薰
風北窻下

瓢飲娛魯巷和羹調商岳異地乃同揆安可分聖凡咄哉靈
均叟椒醕要巫咸芳佩猶未沫開闢仍自緘飛飛清秋鳥暹

東廓鄒先生文集

卷之十一

五十二

傳龍隱巖瞿然振竒志宜搜無極函雲陽儻可約早掛祝融
帆

存所憲伯同子容瀹之諸生九日登曲江亭

佳節卜勝境振衣江亭曉天宇正寥廓萬狀歸縹渺始知登
高訣迥立風塵表呼酒酌磯神壯哉中流矯高歌食蒿鹿膺
以出谷鳥誰爲吾道砥浩氣凌秋杳

別金谿諸同游

驅車事遠遊光陰坐超忽歲暮得羣彥秣驥期同發促席互
戒語篝燈理輓軌及時不豫定出門將恐蹶卓矣鸞湖訓真

僞不容髮去去慎坑塹高衡升翠律

楊淑文一寧一德一誠陸子容張景仁甘淪之范元旦
諸生登樟樹鎮華光閣懷陽明先師

憶昔從義師萬竈屯組練一戰鄱湖清妖氛迅掃電及茲三十載重升華光殿樵魚歌清平哲人不可見江清上皓月髣髴挹顏面慷慨帶礪盟青衫濕羣彥軍賞昭合宮浮言寧久煽會有徐福書殘雪消天覲

題余生汝爲乃翁石會山樵卷

兩山束沱川高樓歷其樞誰知石會樵尙友龍門漁鱸魚時

東廓鄒先生文集

卷之十一

五十四

出遊林鳥爭相呼翛然歌擊壤俯仰恒晏如萬卷付兒曹千古希舞雩異時庶帝載更展陶唐模

初至玉亭

端居玉亭上新月升叢竹薰風次第來咸英奏軒轅天機本洋溢正聲何碌碌緬懷千載間濂洛久未續禹穴石嵯峨哲人啟其櫝手授嚙谷譜科斗新未觸幸茲瀛洲清

皇恩喜初沐及時調黃鐘莫遣間桑濮

周順之司諫聚劉氏九峰菴念菴三峰同游二首

涼颺袪殘暑新月穿叢薄誰知千里駕踐此九峰諾桐江來

匹馬三峰理舊屨銷然童冠間陟降有餘樂丈夫貴識真勿
受利名縛矢言春陵派千古尙可作

侃侃忠愍仙三菴振教鐸先公理遺堦及門咸鸞鷲燈前
父老談英標凜如昨愧予昧前規共商長生藥錫類傳佳夢
山靈尙有託去去脫蛛網秋風翔寥廓

貢玄畧王濟甫至青原

白髮已蕭疎青衿猶繼綵條然千里游振我三伏懶坐橋待
月生隔林看雲斷試訊傳心堂何如觀光館

東陽行窩懷李可亭使君

東廓鄒先生文集

卷之十一

五十五

古洞灑氣潤懸厓霞光爽俛仰撫六合神飛岷峨上使輅未
卧輪奎畫儼在榜炯然延平風水壺時可賞清標不受涅化
機閒來往白石藏牙籤青牛駕仙鞅遙聞東西阡鶴侶時抵
掌少海涵泰峰瑞泉和幽響酣卧東陽側空懷巫峽想何當
福星來村叟迎擊壤

鳳嶺同諸友及二兒觀石犀

石犀屹鳳嶺望月幾千秋頭角宛然備埋彩空山幽我欲驅
彭蠡水恠恣宜搜龍宮靜無恙萬艘咸安沉巨靈握神鞭雲
路邈難求停輿呼衆侶摩挲倍綢繆

避暑武功次平川郭郡侯韻

撫壯未惜陰垂老乃愛日
携手卧層雲凝神會無極
習氣慣依境炯然幾獨立步趨
追皜皜莫爽淵冰的

美兒報順天中式志喜兼示兒曹及諸姪諸孫

金莖報鹿鳴賓履慶蔗境遲爾季孟間帝眷亦何幸
檢躬永世澤培覆凜交傲尙友升龍象徇俗乃蛙黽

訪止止庵

玉女臨粧鏡大王揮兜鍪鼓樓隱仙蛻小藏露壑舟吾愛止
止庵不向色相求一語留丹訣夜夜是中秋

東廓鄒先生文集

卷之十一

五十六

謁選北上

昔來葭飛灰今別風解凍嘉會約曉萍世味驚春夢官爵無
崇卑趨舍在慎動將軍或豺狼亭長乃鸞鳳

陽明先師書院聚講呈同遊二首

杖策從義師妙筭停梟鏡樞衣謁禹穴正脉傳文命泰山慨
安仰微言漫交病白髮薦青蘋悠悠羨墻詠

羣彥欣雲集良牧復星臨禮樂從先進共趨指南針薰風下
策竹戛然淇澳音精爽若鑒之忍愧瑟僴心

贈三溪徐子二首

舜江飲玄德禹穴拜文命聖源尚未湮餘波正可泳珍重良
知訣獨詣無上乘發軔戒屋漏跬步分狂聖

看雲解愠臺抱月尊經閣微義時相剖濁醪亦共酌離筵鼓
清商四座寂不樂何時解舊榻再歌赤壁鶴

同石屋及諸生待月池上

東陽挺日晷兩曜遞照臨三宿待月華悠然印波心俯仰淨
如洗萬籟正沉沉笑訊陶靖節誰識無絃音

東廓鄒先生文集

卷之十一

五十七

07381

卷之十一



